



Broj: 03-03-05-34234/17
Sarajevo, 12.12.2017. godine

SKUPŠTINA KANTONA SARAJEVO
N/r predsjedateljice, prof. Ane Babić

PREDMET: Odgovor na zastupničku inicijativu zastupnika Marić Zvonka, koja se odnosi na pripremu nacrt zakonskog prijedloga prema kojem bi se sankcionisali zaduženi za ne davanje odgovora zastupnicima, dostavlja se -

Na 35. Radnoj sjednici Skupštine Kantona Sarajevo, održanoj 15.11.2017. godine, u okviru tačke dnevnog reda "Zastupnička pitanja, inicijative i odgovori", zastupnik u Skupštini Kantona Sarajevo Marić Zvonko, pokrenuo je zastupničku inicijativu vezano za pripremu nacrt zakonskog prijedloga prema kojem bi se sankcionisali zaduženi za ne davanje odgovora zastupnicima na zastupnička pitanja, koja glasi:

"Molim Ministarstvo pravde i uprave Kantona Sarajevo i ministra Maria Nenadića da pripreme nacrt zakonskog prijedloga prema kojem bi se sankcionirali zaduženi za ne davanje odgovora zastupnicima, prije svega mislim na one iz javnih preduzeća, ustanova i resornih ministarstava".

Razmatrajući zastupničku inicijativu zastupnika Marić Zvonka iz okvira nadležnosti Ministarstva pravde i uprave Kantona Sarajevo ističemo:

Odredbama člana 22. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) propisano je da su organi uprave obavezni pripremati i davati odgovore na pitanja organa zakonodavne, odnosno organa izvršne vlasti koja se odnose na izvršavanje zakona i drugih propisa iz njihove nadležnosti, te o stanju i problemima u oblasti za koju su organi uprave osnovani, kao i davati odgovore na pitanja pravnih i fizičkih lica u vezi sa rješavanjem njihovih prava i dužnosti u upravnom postupku.

Kolegij Ministarstva pravde i uprave Kantona Sarajevo je detaljno razmotrio predmetnu inicijativu i tom prilikom zaključio da se ista odnosi najmanje na državnu službu u Kantonu Sarajevo, a više "zaduženo za nedavanje odgovora zastupnicima, prije svega na one iz javnih preduzeća, ustanova i resornih ministarstava".

Što se tiče predstavnika ministarstava, oni su vezani za ovu inicijativu, tj. mogu biti predmet inicijative po dva osnova: kao državni službenici i kao predstavnici ministarstava koji iz resora, odnosno iz pojedinih ministarstava realizuju zadatke prema Skupštini Kantona Sarajevo.

Tako odredbama člana 55. stav (1) Zakona o državnoj službi u Kantonu Sarajevo („Službene novine Kantona Sarajevo”, broj 31/16) je propisano da državni službenik odgovara disciplinski za učinjene povrede službene dužnosti utvrđene ovim zakonom, nastale kao rezultat njegove krivice, dok je u stavu (4) tačka d) navedenog člana propisano da je teška povreda službene dužnosti neizvršavanje ili nesavjesno i nemarno vršenje povjerenih poslova i zadataka.

Za navedenu tešku povredu službene dužnosti u članu 11. Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo („Službene novine Kantona Sarajevo”, broj 52/16) je propisano da državni službenik koji ne izvršava povjerene poslove i zadatke i poslove iz opisa radnog mjesta ili ih izvršava nesavjesno i nemarno, kaznit će se disciplinskom kaznom suspenzije prava učešća na internom oglasu i javnom konkursu za državne službenike, u periodu od najviše dvije godine. Ukoliko državni službenik

povredu službene dužnosti iz stava (1) ovog člana ponovi u roku od šest mjeseci od dana prethodno počinjene povrede, kaznit će se disciplinskom kaznom premještaja na niže radno mjesto iz člana 10. Zakona o državnoj službi u Kantonu Sarajevo. Držvni službenik koji je u prethodnom periodu od dvije godine dva puta kažnjen za povredu službene dužnosti iz stava (1) ovog člana, a treći put ponovi tu povredu, kaznit će se disciplinskom kaznom prestanka državne službe.

Kako je navedenim propisima uređena odgovornost državnog službenika koji ne izvršava povjerene poslove i zadatke i poslove iz opisa radnog mjesta ili ih izvršava nesavjesno i nemarno, smatramo da nije potrebno pripremati propis kojim bi se sankcionisali državni službenici koji ne daju odgovore zastupnicima u Skupštini Kantona Sarajevo na zastupnička pitanja, obzirom da je to pitanje detaljno regulisano navedenim propisima.

Ako se Vaše pitanje odnosilo i direktno na ne postupanje po inicijativama i pitanjima zastupnika od strane javnih preduzeća i ustanova u tom slučaju potrebno je samo tražiti od rukovodioca javnih preduzeća i ustanova da pozovu na odgovornost uposlenike koji ne izvršavaju poslove i zadatke iz opisa radnog mjesta ili ih izvršavaju nesavjesno i nemarno.

S poštovanjem,

MINISTAR


Mario Nenadić


Dostaviti:

1. Službi za skupštinske poslove Kantona Sarajevo,
2. Stručnoj službi Vlade Kantona Sarajevo,
3. a/a.



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

